



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 3. Qui possint Religionem profiteri, & ad hoc admittere?

[urn:nbn:de:hbz:466:1-73045](#)

continetur in c. *Vidua*, de quo jam dictum est à n. 2752. Ad hoc autem, ut prædictis, aut similibus modis inducatur professio tacitè, hoc est, jure presumatur, talem se verè obligasse Religioni, quatuor conditiones communiter requiruntur. 1. ut talis habitum deferat suscepsum coram Priori, & Conventu, vel eo, cuius est admittere; alias enim non dabitur acceptatio tacita, quæ saltem in ejusmodi professione exigitur.

2756 Secundò, ut hi actus, per quos inducitur tacita professio, fiant non solum sponte, sed etiam scienter, ita ut sciat, illis utens, ad solos professos illius Religionis pertinere; atque adeò ex communione DD. sensu exigitur, utentem iis actibus non debere etiam ignorare per illos tacitam induci professionem; quia ratio ne hujus ignorantiarum deesset consensus tacitè profitandi. Tertiò requiritur, utentem his actibus animum emitendi professionem habere, nec satis est, se habere negativè, non habendo scilicet animum non profitandi, nec faciendo ullam determinationem emitendi professionem, ut bene advertit Navar. commento 4. de Regul. n. 75. verl. *quoniam utrum*. Plura de his Azor p. 1. l. 12. c. 5. Sanchez tom. 2. Decal. l. 5. c. 3. & alii.

2757 Quartò requiri volunt, ut suscep tus habitus deferatur in ipso Monasterio; sic Azor cit. c. 5. q. 3. apud Barbos. c. 1. h. t. in 6. n. 5. Alii tamen volunt, ad inducendam Professionem tacitam per voluntariam susceptionem habitus Professorum proprii, & manifestè distinxerit ab habitu Novitiorum, in quo per tri dum perseverat, non requiri, ut intra Monasterium gestetur: sed idem esse, si extra deferatur, cum licentia Prælati, & sub ejusdem obedientia; ita Sanchez cit. l. 5. c. 3. n. 25. Pirthing h. t. num. 107. §. Not. 3. sed in hoc attendenda est cujuslibet Religionis approbata regula, vel consuetudo legitima.

§. 3.

Qui possint Religionem profiteri, & ad hoc admittere?

2758 IN hac quæstione distinguendum est quoad ingressum Religionis, nempe solum causâ probationis; seu solum probandæ, vel etiam actualiter profitandæ;

quo posito dicendum tam in ingrediente religionis probationem, quam profitente requiri ad valorem, certam in illo ætatem à nobis jam expositam supra. Ceterum omnes Religionem ingredi possunt, qui nullo jure prohibentur. Prohibentur autem. 1. furiosas, & mente debilitatus per c. 15. h. t. 2. carentes ætate debitâ, ut dictum est; 3. liberi, qui ad parentum sustentationem aliunde non supplebilem extra statum Religionis necessarii sunt, ut diximus l. 4. & colligitur ex c. 1. dist. 30. 4. servi, durante servitute, sine consensu Domini. 17. q. 2. c. fin. 5. obligati ad ratiocinia, qui adhuc debitum contractis saltem cum tempore satisfacere possunt, ne opus præcepti postponatur soli consilio; 6. habentes matrimonium spirituale cum Ecclesia, ut suffit Episcopi consecrati, vel etiam electi & consecrati; non autem solum electi, ut diximus c. 10. de Renunciat. & c. 2. de translat. Episc. & c. 18. h. t. plura porrò ingressus Religionis impedimenta sunt ex legitimis particularium Religionum statutis, de quibus illi, quorum interest.

Ad alteram tituli partem 2759 spectato jure communi receptionem ad Religionem, & admissionem ad professi onem pertinere ad Prælatum Religionis immediatum, simul, & ad Capitulum, prout colligitur ex c. *Ea noscitur*. 6. de his, quæ fiunt; ubi dicitur Prælatum Ecclesie Collegiatæ præsentationem facere debere de consensu Capituli, vel majoris partis de illo, nisi de consuetudine, vel privilegio competat soli Prælato; ita tenent Gloss. in c. ult. in casu, & Verb. *Pertinet*, h. t. in 6. Rodriq. tom. 3. q. 12. a. 7. Sanchez l. 7. Decalogi c. 4. n. 65. & alii volentes ex communiori sententia, & observantia omnium Religionum sine consensu Capituli, actum esse invalidum; sed excipitur casus, ubi aliud habet consuetudo, vel privilegium.

Not. autem in casu, quo id pertinet ad solum Prælatum, eo mortuo, vel Sede vacante, non posse aliquem de jure communi admitti ad professionem à solo Capitulo: secùs, si cumulative spectet ad utrumque, per c. si ad. 6. h. t. in 6. ibi: si ad solum Abbatem pertinet;

sineat creatio monachorum : eo defuncto
nequibit novus monachus à conuentu crea-
ri : alias poterit , se corum creatio spectat
insimul ad utrumq.

2761 Not. 2. potestatem admittendi ad
professionem , quam de jure communi
diximus esse penes Prælatum immedia-
tum , & Capitulum , esse etiam penes Su-
periorem eorum mediatum , nempe Ge-
neralem Ordinis , vel Provincialem ; in-
ferioribus enim communicatur ab his
non privativè ad se ; sed cumulatiè sic ,
ut & ipsi possint , etiam invitis inferio-
ribus ; hæc de jure communi ; nam at-
tendendo statuta particularium Religio-
num , potestas admittendi ad profes-
sionem & vota Religiosa est penes solum
Generalem , & in Provincialibus , se-
cundum quod eis communicatur .

2762 Not. 3. creationem Monialium de
jure communi spectare ad Abbatissam ,
& Moniales , intelligendo id non tan-
tum , quando Novitæ admittuntur ad
professionem , sed etiam quando ad pro-
bationis habitum recipiuntur , sicut doc-
ent Fr. Ludov. Miranda in man. Prælat.
tom. I. q. 15. a. 1. & 2. Sanchez in Präce-
pta Decalogi , lib. 4. c. 16. n. 52. sicut crea-
tio Monachorum de jure communi spe-
ctat ad Abbatem , & Conventum , ut tra-
dit Navarr. conf. 9. n. 12. sub tit. de con-
stit. in 1. edit. alias conf. 17. n. 2. de voto ,
in 2. edit. Fr. Barthol. de Vecchis in pra-
xi observanda in admittendis ad Reli-
giosum statum novitiis , D. 6. d. 2. n. 2.

2763 Not. 4. ad professionem posse quem
admitti in Religione , vel Monasterio per Episcopum , cui hoc subjectum est ,
modo id faciat cum consensu majoris
partis de Capitulo ; quia verè est illius
Superior non minus , quam Abbas , vel
Provincialis , pro qua sententia refertur
Abbas in c. Porrectum . 13. b. t. num. 12.
Sanchez cit. c. 4. n. 74.

2764 Not. 5. actum admittendi ad profes-
sionem non esse actum Ordinis vel juris-
dictionis spiritualis pertinentis ad Eccle-
siæ claves ; sed solum cujusdam Super-
ioritatis , quam Abbatissæ habent in
Moniales , vel aliqui Superiori , caren-
tes spirituali jurisdictione fori externi ;
sic Azor p. 1. l. 12. c. q. 6. Sanchez cit. n. 76.

Not. 6. professionem irritam ex de-
fectu solius jurisdictionis in recipiente ,

seu admittente , posse sanari per ratifi-
cationem habentis legitimam potesta-
rem , si acceptata sit nomine habentis
potestatem admittendi ; tunc enim sit
locus regulæ 10. & 9. de regul. juris in
6. quæd rauthabitio retrotrahatur .

2765 Not. 7. quod diximus n. 2763. de
Episcopo , debere intelligi , ne regulari-
ter possit cogere Abbatem & Conven-
tum , ut is , quem ipse vult , recipiatur ad
professionem ; cum ea potestas regula-
riter ipse ad Superioris regulares , &
Conventus de jure communi , quibus
disciplina regularis (qua plurimum per-
det à receptione personato) commis-
sa est ; quatinus , si debitum numerum
personatum non alant , cum possint ,
eos ad hoc compellere possit ; sic Fran-
cicus in c. fin. h. t. in 6. n. 3.

Not. 8. quæ diximus de potestate
admittendi ad professionem spectato
jure communi , procedere etiam de ad-
missione ad Religionis probationem , seu
Novitiatum ; cum hæc admissio ex fine
seu principali ordinetur ad alteram , quæ
est ad professionem ; de quo plura Sua-
rez tom. 3. de Relig. l. 5. c. 10.

ARTICULUS V.

De indissolubilitate professionis.

Comunis tenet professionem reli- 2766
giosam (loquitur de professio soien-
titer) nec ex parte professi sola ipsius
voluntate ; nec ex parte Religionis , solo
hujus consensu ; nec ex parte utriusque
etiam consensu mutuo dissolvi posse
quoad vinculum ; ita Suarez tom. 3. de
Relig. l. 6. c. 14. & constat ex usu , & pra-
xi Ecclesiæ , adeo quidem , ut nec ejeci-
quantumvis in perpetuum , à votis ab-
solvantur , sed manent obligati sua Re-
ligioni , cogique possint ad eam redire
volente Religione ; his positis ?

Quæstio est . 1. an vinculum reli- 2767
giosæ professionis dissolvi possit per
summum Pontificem ? 2. an per promo-
tionem ad Episcopatum ? 3. an præscri-
ptione ? 4. an invalidè professus , non va-
leas tamen in foro externo probare
nullitatem , teneatur eam ratificare ?
5. an , & qualiter competit jus contra
nullitatem professionis reclamandi ?
6. ad 1. posse ; certum enim est , Pon-
tificem posse dispensare in votis simpli-
cibus ,